

NDIKIMI I UNGJILLIT

Nga TODD MORR



WWW.MISSIONALMADESIMPLE.COM

NDIKIMI I UNGJILLIT

Si dishepujt dhe "të dërguarit" e Jezusit, të cilët janë thirrur të jetojnë si ambasadorë të pajtimit dhe të sjellin ndikimin e Ungjillit tek ata, që janë larg nga Zoti, çfarë duhet të mbajmë mend, ndërsa mundohemi t'i orientojmë jetët tona rreth bërjes së dishepujve në fuqinë e Shpirtit të Shenjtë? Cilat janë gjërat, që duhet të na udhëzojnë vazhdimisht në marrëdhëniet me ata, që nuk janë ende besimtarë?

Nuk e kontrollojmë ne ndryshimin në jetët e jo të krishterëve. Ndryshimi shpirtëror vjen nga Zoti! Megjithatë, ka gjëra, të cilat i kontrollojmë ne, siç është mënyra si e përcjellim ndikimin e Ungjillit në jetën e një personi, në jetët e shumë njerëzve apo në lagje.

Ka të paktën 5 zona të mëdha, të cilat i kontrollojmë ne:

LUTJA

Dëgjimi dhe varësia nga Shpirti i Shenjtë për të kuptuar kush, si, kur dhe ku të sjellësh ndikimin e Ungjillit. (Shpirti i shenjtë është "kumtuesi" i Jezusit – Gjoni 15:26-27, Gjoni 16:12-15.) Gjithashtu, lutja që dhembshuria jonë për të humburit dhe dëshira e zjarrtë për t'i parë ata të kthehen te Zoti do të vazhdojë të rritet.

AFËRSIA

Të qenët afër njerëzve në mënyrë që ata të shohin se si Jezusi ndikon në çdo detaj të jetëve tona. Po ashtu, afërsia të çon drejt miqësive "të vërteta" dhe krijon besim. Këto janë të domosdoshme në marrëdhënie, para se Ungjilli të demonstrohet dhe komunikohet. Kjo afërsi është e nevojshme për të krijuar **marrëdhënie me ata, që nuk janë ende të krishterë dhe për t'i orientuar jetët e planet tona në atë mënyrë që të kalojmë kohë cilësore me ta, duke i dashur dhe shërbyer.**

STIL JETESE TËRHEQËS

Mënyra se si e jetojmë jetën individualisht, me bashkëshortin apo bashkëshorten dhe fëmijët, sikurse dhe si komunitet misional **MUND** të shërbejë si një apologji e fuqishme për Ungjillin. Ne duam që njerëzit të na shohin si punojmë, drejtojmë martesat tona, rrisim fëmijët, shpenzojmë kohën dhe paratë, si argëtohem dhe krijojmë marrëdhënie me të tjerët me fokusin te Jezusi dhe qëllimi i Tij. Dhe, jetët tona duhet të jenë **"tërheqëse" për të tjerët falë punës së Shpirtit të Shenjtë, që prodhon fryte në jetët tona.**

DEMONSTRIM

T'u shërbesh qartazi të tjerëve dhe të demonstroshe dëshirën e Jezusit për të restauruar gjithçka. Të demonstrojme vazhdimisht **zemërgjerësi, dhembshuri, sakrificë, dashamirësi, hir, etj., në marrëdhëniet tona me jo të krishterët.** Mund të bëjmë gjëra të tilla si: gatime për ta, biskota, punë në oborr ose kopsht, ndihmë me projekte shtëpie, kujdes për fëmijët, dhënie hua të zotërimeve tona, dhurata etj.



SHPALLJE

Të deklaroj verbalisht “lajmin e mirë” të jetës së Jezusit, vdekjes dhe ringjalljes për të gjithë njerëzimin. Njerëzit kanë nevojë që, jo vetëm ta shohin dhe përjetojnë Ungjillin, por edhe ta dëgjojnë qartazi të Vërtetën për historinë e Perëndisë dhe se si Ai i kërkon ata **përmes Jezusit**.

PYETJE PËR T'U MARRË NË KONSIDERATË:

- A të thuhet zemra për miqtë dhe fqinjët e tu të humbur? A lutesh që Shpirti i Shenjtë të punojë më shumë për këtë në zemrën tënde?
- Cilët janë jo të krishterët te të cilët po mundohesh të përcjellësh ndikimin e Ungjillit?
- Si dhe sa shpesh po mundohesh ta bësh këtë?
- Si mund të rritesh ti dhe Komuniteti yt në secilën prej 5 pikave përgjatë muajve të ardhshëm?
- Cilat janë disa gjëra specifike, që duhet të mos i bësh më ose të fillosh t'i bësh në mënyrë që të ndihmosh në këtë proces?
- Cilat janë disa pengesa, që nuk po të lejojnë t'i bësh këto ndryshime në mënyrë që ta orientosh jetën tënde drejt misionit të Jezusit për të bërë dishepuj?

